



МОНГОЛ УЛСЫН  
ЗАМ, ТЭЭВРИЙН САЙДЫН  
ТУШААЛ

2015 оны 03 сарын 31 өдөр

Дугаар 86

Улаанбаатар хот

Тээвэрлэлтийн чиглэл тогтоох тухай

Байгаль орчинд үзүүлэх сөрөг нөлөөг багасгах, орон нутгийн иргэдийн эрүүл, аюулгүй орчинд амьдрах нөхцлийг бүрдүүлэх, тээвэрлэлтийн аюулгүй байдлыг хангах, тээврийн осол зөрчлийг бууруулах зорилгоор Автотээврийн тухай хуулийн 6 дугаар зүйлийн 6.1.4 дэх заалт, 8 дугаар зүйлийн 8.2 дахь хэсэг, Авто замын тухай хуулийн 5 дугаар зүйлийн 5.1.3 дахь заалт, Өмнийн говийн бүсэд уул уурхайн бүтээгдэхүүн тээвэрлэгчид болон зам эзэмшигч нарын Нэгдсэн зөвлөгөөний шийдвэрийг тус тус үндэслэн ТУШААХ нь:

1. Тавантолгойн орд газраас БНХАУ-д нийлүүлэх нүүрсний тээвэрлэлтийг Ухаахудаг-Гашуунсухайт чиглэлийн 239 км хатуу хучилттай замаар тээвэрлэхээр тогтоосугай.

2. Тавантолгойн орд газраас Гашуунсухайтын боомт хүртэл нүүрс тээвэрлэж байсан "Тавантолгойн нүүрсний уурхай-Чулуун Овоо-Жавхлант баг-Гашуунсухайтын боомт-Улсын хил"-ийн чиглэлийн шороон замыг хаасугай.

3. Дараах арга хэмжээг авч хэрэгжүүлэхийг Авто замын тээврийн бодлогын хэрэгжилтийг зохицуулах газар /Ц.Цогтбаатар/-т үүрэг болгосугай:

3.1. Чиглэл тогтоосонтой холбогдуулан хуучин ашиглаж байсан шороон замын байгаль орчныг нөхөн сэргээх ажлыг уурхай эзэмшигч, тээвэрлэгч нараар гүйцэтгүүлэх асуудлыг холбогдох байгууллагуудад тавьж шийдвэрлүүлэх;

3.2. Нүүрс тээвэрлэлтийн чиглэл болон хүчингүй болгосон замын чиглэлийг олон нийтийн мэдээллийн хэрэгслээр нийтэд мэдээлж, тухайн орон нутгийн холбогдох байгууллагууд болон аж ахуйн нэгжүүдэд хүргүүлэн, хэрэгжилтэд нь хяналт тавьж ажиллах;

3.3. Тавантолгой-Гашуунсухайт чиглэлийн 239 км хатуу хучилттай авто замын засвар арчлалтыг "Гашуун сухайт авто зам" ХХК-аар хариуцуулан гүйцэтгүүлж, хяналт тавьж ажиллах;

4. Авто замын тухай хуулийн 6.1.2, Авто тээврийн хуулийн 7.1.1-д заасан өөрийн эрх, үүргийн дагуу тушаалын хэрэгжилтэд дэмжлэг үзүүлж, холбогдох байгууллагуудтай хамтран биелэлтэд хяналт тавьж ажиллахыг Өмнөговь аймгийн Засаг дарга/Б.Бадраа/-д үүрэг болгосугай.

5. Энэ тушаалын хэрэгжилтэд хяналт тавьж, гүйцэтгэлийг эргэн танилцуулахыг Хяналт, шинжилгээ, үнэлгээ, дотоод аудитын газар /Б.Бямбажав/-т даалгасугай.

6. Энэхүү тушаалыг баталсантай холбогдуулан “Тээвэрлэлтийн чиглэл тогтоох тухай” Зам, тээврийн сайдын 2013 оны 01 дүгээр сарын 31-ний өдрийн 27 болон 2013 оны 08 дугаар сарын 14-ний өдрийн 180 дугаар тушаалуудыг тус тус хүчингүй болгосугай.



Н.ТӨМӨРХҮҮ